



**REPUBLIKA E KOSOVËS/REPUBLIKA KOSOVA/
REPUBLIC OF KOSOVO
KOMUNA-SHTIME/OPŠTINA-ŠTIMLJE/MUNICIPALITY OF SHTIME**

KRYETARI I KOMUNËS

Në bazë të neneve 13 dhe 17 (f) të Ligjit për Vetëqeverisjen Lokale, nr. 03/L-040 ,
nenit 72 dhe 73 të Rregullores për Shërbime Publike Komunale 01Nr.06/4067, Kryetari i
Komunës së Shtimes, nxjerrë :

URDHËRESË PËR MËNYRËN E PËRDORIMIT TË UJIT PËR PIJE NGA RRJETI I UJËSJELLËSIT NË SEZONIN VEROR

Neni 1

Në territorin e Komunës së Shtimes, në sezonin veror, caktohet mënyra dhe kufizimi i
përdorimit të ujit për pije nga rrjeti i ujësjellësit.

Neni 2

1.Në sezonin veror, prej datës 01.08.2022 deri më 15.10.2022 ndalohet shfrytëzimi i ujit
nga rrjeti i ujësjellësit, për:

- 1.1. Larjen e automjeteve, rrugëve, trotuareve dhe vendeve publike
- 1.2. Ujitjen e kopshteve, fushave me barë, pemëve apo ndonjë fushë të agrikulturës.
- 1.3. Për subjektet afariste të cilat ushtrojnë veprimtarinë e larjes së automjeteve.

Neni 3

Të gjithë konsumatorët e ujit janë përgjegjës të sigurojnë se pas pikës hyrëse, të gjitha
pajisjet e ujit të jenë në funksion të plotë, duke përfshirë të gjitha rubinetet dhe pajisjet
hidraulike brenda objekteve dhe pronave, si dhe pajisjeve që lidhen me sistemin kryesor
të furnizimit me ujë për pije.

Neni 4

KRU "Prishtina"-Njësia në Shtime do të sigurojë funksionalitetin maksimal të rrjetit të ujësjellësit të ujit për pije, gjithashtu është e obliguar të përgjigjet menjëherë pa asnjë vonesë, në çdo raportim të ndonjë defekti në sistemin e rrjetit të ujësjellësit dhe të bëjë riparimin në afatin sa më të shkurtër.

Neni 5

Zbatimin e Urdhresës e bëjnë Drejtoria e Shërbimeve Publike dhe KRU "Prishtina"-Njësia në Shtime.

Neni 6

1. Mosrespektimi i Nenit 2 paragrafi 1.1 konsiderohet kundërvajtje dhe ndëshkohet me gjobë mandatore në shumë prej **100 €**.
2. Mosrespektimi i Nenit 2 paragrafi 1.2 dhe 1.3 konsiderohet kundërvajtje dhe ndëshkohet me gjobë në shumë prej **300 €**
3. Nëse ndëshkimet e shqiptuara mandatore nuk përmbushen në afat prej 15 ditësh, inspeksioni do të ndërmarr veprimet përkatëse ligjore.

Neni 7

Urdhëresa hyn në fuqi ditën e nënshkrimit.

Nr.prot. 02/430
Shtime, Datë: 29.07.2022



Kryetari Komunës